

皇清經解續編卷千百四十六

南菁書院

齊詩遺說攷九

侯官陳喬樞樸園著

齊詩大雅二

生民

厥初生民時惟姜嫄

履帝武敏歆

五經異義詩齊魯韓說聖人皆無父感天而生

毛詩正義

喬樞謹案史記三代世表褚先生引詩傳曰后稷母姜嫄出見大人蹟而履踐之知於身生后稷索隱以史所引出詩緯詩正義引河圖云姜嫄履大人迹生后稷中候稷起云蒼耀稷生感迹昌苗興云稷之迹乳是諸緯候說並與齊詩同

漢書敘傳厥初生民

補

古今人表姜嫄帝嚳妃生稷

補

春秋繁露三代改制質文篇后稷母姜嫄履天之跡而生后

稷后稷長於邠土播田五穀

補

實穎實粟

班固西都賦五穀垂穎

補

喬樞謹案毛傳云穎垂穎也訓義亦同

卽有釐家室

漢書地理志右扶風釐周后稷所封師古曰釐讀與邠同

補

喬樞謹案釐魯詩作台毛詩作邠史記周本紀弃母有邠氏

女正義曰邠亦作釐同

惟柎惟柎

班固典引昔姬有元柎黃鑒之事

補

或春或枕

儀禮有司徹鄭注挑讀如或春或枕之枕字或作挑者秦人語也今文挑作枕賈公彥曰讀从詩或春或枕

補

喬樅謹案周禮地官女春枕二人注云女奴能春與枕者枕抒曰也詩云或春或枕皆據齊詩文也枕毛詩作揄蓋枕之段借馬瑞辰曰說文𠂔抒曰也引詩或簸或𠂔

簸當爲春之譌

𠂔或

作枕眈是𠂔枕本一字揄𠂔一聲之轉

取蕭祭脂

禮記郊特牲鄭注蕭薌蒿也染以脂合黍稷燒之詩云取蕭

祭脂

補

后稷兆祀庶無罪悔以迄于今

禮記表記詩云后稷兆祀庶無罪悔以迄于今鄭注兆郊之祭處也迄至也言祀后稷于郊以配天庶以其無罪悔乎福祿傳世以至于今

補

喬樅謹案兆毛詩作肇字與齊異上文以歸肇祀毛傳訓肇爲始箋云肇郊之神位也讀肇爲兆是據齊詩易毛肇者古文段借字商頌肇域彼四海箋云肇當作兆此不言者文畧耳周官小宗伯兆五帝于四郊注云兆爲壇之營域說文作兆段氏注云今周禮作兆許作兆蓋故書今書之不同也又尙書大傳兆十有二州古文堯典作肇此古文段借之驗

行葦

班彪北征賦慕公劉之遺德及行葦之不傷

補

喬樞謹案據此知齊詩說亦以行葦爲公劉之詩與魯韓同

義

洗爵奠斚

禮記明堂位鄭注斚畫禾稼也詩曰洗爵奠斚

補

既醉

既醉以酒既飽以德

禮記坊記詩云既醉以酒既飽以德鄭注言君子饗燕非專

爲酒肴亦以觀威儀講德美

補

朋友攸攝攝以威儀

星清經解續編
禮記緇衣詩云朋友攸攝攝以威儀鄭注攸所也言朋友以

禮義相攝

補

孝子不匱

禮記坊記詩云孝子不匱鄭注匱乏也孝子無乏止之時

補

鳧鷖

鳧鷖在涇公尸來燕來甯

公尸燕飲福祿來成

易林大有之離鳧鷖遊涇君子以甯復德不愆福祿來成

夬

蒙同惟復德作
履德爲異

補

喬樅謹案毛詩箋云祭祀既畢明日又設禮而與尸燕是以
公尸燕飲爲繹而賓尸攷爾雅繹又祭也周曰繹商曰彤夏

曰復胖此云復德卽復胖之義

鳧鷖在渚公尸來燕來處

公尸燕飲福祿來下

易林噬嗑之中孚璫英朱草仁政得道鳧鷖在渚福祿來下

補

又同人之剝文山紫芝雍梁朱草長生和氣王以爲寶公尸

侑食福祿來處

補

又蠱之渙紫芝朱草生長和氣公尸侑食福祿來下

補

喬樅謹案此詩公尸鄭箋以首章爲祭宗廟次章爲祭四方

萬物三章爲祭天地四章爲祭山川社稷末章爲祭七祀宋

儒譏其臆說然據毛詩敘云太平之君子能持盈守成神祇

祖考安樂之也以神祇與祖考並舉則毛釋此詩斷非專指宗廟而言詩正義申毛以五章皆屬宗廟失之矣鄭君于詩兼通三家箋說以鳧鷖五章分配宗廟天地社稷及四方羣祀必非無據馬瑞辰傳箋通釋以爲古者祭天地社稷雖皆有尸然不聞有賓尸之禮繹而賓尸惟於宗廟見之決此詩爲宗廟繹祭機謂馬說亦未審周頌絲衣序云繹賓尸也高子曰靈星之尸也正以序言賓尸不明爲何祭之尸故特著此語杜佑通典引劉向五經通義曰靈星爲立尸故云絲衣其杯會弁俅俅言王者祭靈星公尸所服之衣也是子政亦以絲衣賓尸卽爲靈星之尸攷史記封禪書云漢興八年或曰周興而邑郃立后稷之祠至今血食天下於是高祖制詔

御史其令郡國縣立靈星祠常以歲時祠以牛續漢書祭祀志云言祠后稷而謂之靈星者以后稷又配食星也舊說星謂天田星也張晏曰龍星左角曰天田卽農祥也晨見而祭之又古今注云元和三年初爲郡國立稷及祠社靈星禮器是古者靈星之祀與社稷爲類祭靈星有繹賓尸之禮則祭天地社稷及方祀羣祀之皆有賓尸亦足以明矣今按易林有璫英朱草仁政得道之文是蓋以王者德至天地天下太平符瑞並臻則三章鳧鷖在渚之爲祭天地此亦其確證也

嘉樂

嘉樂君子憲憲令德宜民宜人受祿于天保佑命之自天申之禮記中庸詩曰嘉樂君子憲憲令德宜民宜人受祿于天保

三才圖會
佑命之自天申之鄭注憲憲興盛之貌保安也佑助也

補

喬樅謹案孔氏正義云毛詩本文憲憲爲顯顯與此不同者齊魯韓詩與毛詩不同故也陸氏釋文云嘉詩本作假音同假嘉也皇音加善也又佑字毛詩作右

漢書董仲舒對策曰詩云宜民宜人受祿于天爲政而宜于民者固當受祿于天夫仁義禮知信五常之道王者所當修飾也五者修飾故受天之佑而享鬼神之靈德施于方外延及羣生也

補

漢書刑法志詩云宜民宜人受祿于天書曰立功立事可曰永年言爲政而宜於民者功成事立則受天祿而永年命所謂一人有慶萬民賴之者也

補

千祿百福子孫千億

後漢書郎顗拜章曰天自降福子孫千億

補

易林比之泰長生無極子孫千億

補

穆穆煌煌

班固明堂詩穆穆煌煌

補

喬樅謹案煌煌毛詩作皇皇

不騫不忘率由舊章

春秋繁露郊語篇詩云不騫不忘率由舊章舊章者先聖人

之故文章也率由各有修從之也

補

喬樅謹案騫與愆通見文選劉越石扶風歌李善注毛詩作

愆劉向說苑引詩又作憊攷釋元應眾經音義云憊古文蹇

迴二形籀文作𡗗今作愆又列子黃帝篇无愆釋文云愆本
又作騫是愆騫通用之證

威儀抑抑德音秩秩無怨無惡率由仇匹

春秋繁露楚莊王篇百物皆有合偶偶之合之仇之匹之善
矣詩云威儀抑抑德音秩秩無怨無惡率由仇匹此之謂也
補

喬樅謹案仇匹毛詩作羣匹與齊詩文異

受福無疆

漢書禮樂志受福無疆

補

不解于位民之攸斲

漢書五行志中之上詩曰不解于位民之攸斲

補

公劉

易林家人之臨節情省欲賦斂有度家給人足公劉以富

補

廼積廼倉廼裹餼糧于橐于囊

鹽鐵論取下篇公劉好貨居者有積行者有囊

補

弓矢斯張

易林大壯之明夷弓矢斯張

補

幽居允荒

漢書匈奴傳夏道衰公劉失其稷官變于西戎邑于幽

補

易林升之泰公劉之居大王所業

補

芮隗之卽

漢書地理志右扶風汧本注雍州汧水出西北入渭芮水出

西北東入涇詩芮隕雍州川也

喬樅謹案詩釋文云芮鞠本又作汭周禮職方氏注引詩正作汭隕之卽師古漢書注云隕讀與鞠同韓詩作芮隕然則韓與齊文同矣周禮注所引蓋據魯詩陳氏見洮云玉篇水外曰坵又坵古岸也當以此爲正鞠段借字也

洞

酌彼行潦挹彼注茲

鹽鐵論和親篇政有不從之教而世無不可化之民詩云酌彼行潦挹彼注茲故公劉處戎狄戎狄化之大王去幽閼民隨之周公修德而越裳氏來

補

喬樅謹案揚雄博士箴云公劉挹行潦而濁亂斯清與此意

合是三家說同

凱弟君子民之父母

禮記孔子閒居詩云凱弟君子民之父母鄭注凱弟樂易也
補

喬樅謹案表記引詩二語而釋之曰凱以強教之弟以說安
之使民有父之尊有母之親如此而后可以爲民父母矣毛
傳卽用表記語知三家亦皆同也禮記釋文云凱本又作愷
弟本又作悌大戴禮衛將軍文子篇引作愷悌

漢書刑法志詩曰愷弟君子民之父母師古曰大雅洞酌之
詩也言君子有和樂簡易之德則其下尊之如父親之如母

也
補

卷阿

如圭如璋

漢書敘傳威儀之盛如圭如璋

補

鳳皇鳴矣于彼高崗梧桐生矣于彼朝陽
萃萃萋萋嚶嚶喈喈

易林觀之謙高崗鳳皇朝陽梧桐嚶嚶喈喈
萃萃萋萋陳辭

不多以告孔嘉

補

又大過之需大樹之子百條其母當夏六月
枝葉盛茂鸞皇

以庇召伯避暑翩翩偃仰甚得其所

揆之困同補

又乾之姤政不暴虐鳳皇來舍四時順節民安其居

賁卦同補

矢詩不多惟以遂歌

喬樞謹案易林言陳辭不多以告孔嘉正釋此詩二語矢卽

陳也義見爾雅釋詁汲冢紀年云成王三十三年遊於卷阿
召康公從今據易林有當夏六月語則卷阿之遊正在六月
詩言飄風自南實紀來遊之候非興辭也

民勞

惠此中國以綏四方

鹽鐵論論勇篇詩云惠此中國以綏四方故義之服無義疾

於原馬良弓德之召遠疾於馳傳重驛

補

無縱詭隨以謹無良

後漢書陳忠疏輕者重之端小者大之源故隄潰蟻穴氣洩
鍼芒是以明者慎微智者識幾詩云無縱詭隨以謹無良蓋
所已崇本絕末鉤深之慮也李賢注詩大雅也言詭誑委隨